

# 金子久醫案精華

上海秦伯未編纂

## □ 溫病

喜嗜酒醴。肝膽必有伏火。恣嗜肥濃。脾胃必多濕痰。近來風溼雜受。益以飲食停滯。爭表不爲汗解。爭裏不爲下奪。邪鬱化火。溼鬱化痰。旬餘日來。變態迭出。前此神識昏糊。現在神識清爽。咽喉呼吸有痰。腹笥腸鳴有聲。面紅狀如戴陽。目赤猶如火焰。上焦汗出。齊頸而止。下焦腹脹。按摩而舒。舌質中間絳燥。口渴欲須湯飲。左脉數而無神。右脉數而無力。六部統按。皆有滑勢。氣津陰液。皆爲戕耗。風陽痰火。自見劇烈。最關係者。力有不逮。內澗外脫。預宜防微。養正則得邪。清邪則得正。調治爲難。已見一斑。仿用喻氏清燥救肺。使正氣不爲清而致虛。邪氣不爲補而樹幟。

西洋參 辰麥冬 石羔 薤仁 淡草 茯神 枇杷葉 桑葉 滁菊 橘紅鹽水炙

川貝 姜竹瀝

又 風寒已從火化。陳腐亦從痰化。面紅如醉。目赤如火。舌根白膩。舌中絳燥。左脉重按數而無神。右脉重取滑而有力。上焦氣津已被邪耗。肺胃痰火膠固。肝膽風陽互煽。身體有時蒸蒸發熱。肢末有時灑灑覺冷。昨夜汗泄不多。今朝仍未更衣。陽不外泄。陰已內奪。古稀外年。溷脫宜防。治法仍宜清燥救肺。參入鹹寒滋液柔肝。

冰糖煨石膏 炙草 西洋參 滁菊 桑葉 枇杷葉 鹽水炙橘紅 川貝 鮮生地

麥冬 元參 竹瀝

又 火爲無形之邪。痰爲有形之物。火愈炎愈上。痰益聚益多。上焦肺居爲火所刑。下焦腸部爲痰所阻。面紅目赤雖減。舌燥苔絳如昨。左脉弦數。右脉輭大。統按仍見流滑情狀。咽喉呼吸無漉漉之痰聲。腹筭轉側有汨汨之鳴响。身體有時罩熱。肢末有時清冷。論脉正氣已受戕傷。察舌正氣亦見消耗。就其脉滑

而論。其中濁痰尙夥。七十餘之年齒。兩星期之病擾。虛實舛亂。正邪混淆。治法頗難着手。用藥亦多窒礙。溫邪以津液爲材料。故立方以津液爲扼要。滌痰潛陽。猶其餘事。

大生地 鮮生地 麥冬 元參 西洋參 石膏 炙草 鹽水炙橘紅 桑葉 枇杷葉

滌菊 竹瀝

又 昨宵大便下而甚夥。頃刻腹笥尙覺鳴响。其間留垢。未能一掃而盡。邪氣一日不下奪。津液一日不來復。脈象雖見滑大。重按頗形斂聚。津液固然告乏。根本尙可支持。面紅漸退。目赤亦減。肝膽之風。陽日漸退。舍舌邊糙白。舌中乾絳。肺胃之氣。火仍形熾盛。有年臟真已虧。虧則尤易生火。火能消鑠津液。愈難恢復。火能食氣。肢力愈覺疲倦。熱病注重津液。仍用甘涼鹹寒。使津液復得一分。則病邪退得一分。

鮮生地 麥冬 元參 佛蘭參 阿膠 秋石 炙草 川貝 枇杷葉 蘆根

又 左脉來盛去衰。右脉如滑若代。舌質底見垢膩。舌中仍見乾絳。咽喉起腐。面目仍赤。大便仍未更衣。小溲不甚短赤。口中自覺乾燥。聲音頗覺清靈。外因風濕之餘波。氤氳于肺胃。內因風陽之熾盛。原出於肝胆。年齒已高。病日已多。氣傷津竭。陰傷液枯。故立方以存津液爲第一。仿仲景復脉湯爲宗旨。厥陰之陽內燃。參入桑菊丹皮。陽明伏火內熾。加入梔翹犀角。

西洋參 阿膠 鮮生地 麥冬 元參 粉丹皮 桑葉 滁菊 山梔 連翹 犀角  
竹瀝 金汁

又 脉象早暮有更。舌質旦夕不變。昨夜診得脉象左部洪大。右部滑大。頃刻診得脉形左部柔軟。右部亦和滑。大勢依然如昨。滑者爲痰。大者爲火。舌質根邊垢膩。舌中仍形乾絳。大便二日不更衣。身熱蒸蒸如日上。痰火膠固難刪。津液悉耗。所恃風陽未動。神識尙清。治法保救津液。清肅痰火。

大鮮生地 麥冬 元參 風化硝 金汁 竹瀝 連翹 佛蘭參 阿膠 犀角汁 滁菊

丹皮 桔梗 山梔

又 脈象仍見滑大。至數亦見止代。滑大總是痰火有餘。代止顯是氣陰不足。舌質雖見厚膩。中間略形潤澤。津液恆少來復之象。浮陽仍有升騰之勢。面頰尙紅。目竅又赤。大便已有三日不解。腑氣因之壅塞不宣。寐醒之後。展轉反側。肢體並不動躍。神識又見清爽。肝風蒙蔽。或可無虞。正虛邪盛。是爲吃緊治法。仍用救津滌邪。目前最爲第一要圖。

鮮生地 麥冬 元參 萸仁 知母 丹皮 桔梗 西洋參 阿膠 金汁 犀角汁

竹瀝 橘紅絡 滁菊

又 左脉仍見數大。右脉亦見滑大。數爲眞陰不足。滑爲痰火有餘。惟大獨盛。右關顯然在於陽明。燎原之勢。蒸蒸日上。蒸蒸於外。頸項瘰癧如痞。膠固之痰。氤氳于內。則神識時常昏昏欲寐。寐則手指並不動躍。醒則身體殊多展側。大便四日未見更衣。舌質滿苔仍見如昨。有限之津液益病益虛。無窮之痰火愈聚愈多。正

值虛而挾實。何所恃而無恐。用救肺湯清上燥而保氣津。參復脈法滋下燥而存陰液。入栝萸竹瀝。滌胃中有實之濁痰。加桑葉菊花。洩肝中無形之風熱。

熟石膏 桑葉 蘆根 藿石解 生地 萸仁 知母 丹皮 西洋參 金汁 犀角

竹瀝 滌菊

又 濕邪自裏而發。津液由此劫奪。二日來愈形竭蹶。三日間邪已外騰。身半以上。汗洩溱溱。胸次之際。發現痞點。舌質膩白。轉見灰黑。濕濁之痰。已從燥化。大便五日仍未更衣。左脉數而柔軟。右脉大而剛燥。有年正不勝邪。尙未越出險域。治法仍宜保存津液。是爲目前扼要一圖。

鮮生地 麥冬 元參 丹皮 金汁 犀角汁 西洋參 阿膠 煨石膏 知母 桑葉

萸仁

又 汗洩蒸蒸於毛孔。白痞癩癩於頸項。濕邪雖得外洩。津液仍形內耗。以故舌質尙見燥絳。脈無剛躁之勢。轉爲柔和之象。胃納僅進米湯。津液愈難來復。

大便不見更衣。腑氣又難通暢。病局情形雖定。危險之境未出。治法仍宜注重保存氣津陰液。

鮮大生地 麥冬 元參 犀角汁 金汁 竹瀝 西洋參 阿膠 括蕪仁 火麻仁

石羔 蘆根 銀花 丹皮 桑葉 霍山石斛煎湯代水

又 年逾七十。病越兩旬。不獨真陰受損。抑亦真氣被耗。投膠地入陰而保液。參麥入氣以存津。兩日以來。似見轉機。熱勢漸見退舍。津液亦見來復。脉象剛躁亦減。舌質剛燥未澤。大便六日不更。腑氣通降失司。餘波熱痰。由此留戀。治法仍從原意增損。

西洋參 鮮大生地 阿膠 犀角 煨石膏 人中黃 括蕪仁 丹皮 銀花 桔梗

竹瀝 桑葉

又 邪氣將退。正氣愈虛。精神疲倦嗜臥。固是意中之事。津液漸有來復。濁痰仍未廓清。大便不下。已有八日。下流既窒。上流必塞。肺氣稍有膈鬱。呼吸略覺

痰聲。舌質或乾或潤。苔色乍灰乍黑。黃厚形狀。始終未減。左脉忽大忽小。右脉  
條滑條數。柔軟景象。早暮不更。膠膩暫停。庶免濁痰樹幟。參麥濡養。藉此保救  
津液。

西洋參 麥冬 秋石 萸仁 風化硝 丹皮 建蘭葉 犀黃 橘紅 川貝 茯神 穀芽

又 有時面紅。狀似渥丹。有時痰湧。聲如拽鋸。病象見此。大爲可危。舌質或乾  
或潤。苔色忽灰忽白。厚膩始終未減。脈時躁時大。至數乍代乍續。滑動朝夕無  
更。正氣津液。日形消鑠。木火濁痰。日形升熾。風陽雖不動躍。神識昏沈欲睡。設  
或浮陽外洩。便有竅絡內閉。治正則邪愈。錮治邪則正愈。虛惟宜注重清肅肺  
氣。氣清則火降。火降則痰消。

羚羊角 犀角 鮮生地 秋石 橘紅 杏仁 風化硝 胆星 海石 竹瀝 丹皮

枇杷葉露

又 濕痰轉化燥痰。少火胥變壯火。痰貯于肺。火乘于胃。肺主氣化。胃藏津液。



氣結則津枯。津枯則痰滯。呼吸喉間有聲。面目顴頰皆赤。舌質厚膩減少。灰黑極形。脈象左不冲和。右欠斂聚。大便不下。已有旬餘。下焦腑氣必有窒塞。濁陰不降。清氣何升。津液與痰火相搏。正氣與邪火相結。爲日已多。勢不兩立。火炎如此。非壯水不能制其火。非滌邪不能安其正。

鮮生地 麥冬 元參 西洋參 阿膠 炙草 風化硝 竹瀝 秋石 萸仁 礞石

建蘭葉 菴石斛煎湯代水

身熱頭痛。發現六日。目胞已現疙瘩。左脇又覺作痛。昨日熱勢頗劇。語言殊有錯誤。昨夜汗洩亦多。熱勢似稍開涼。大便先燥後溏。口渴先甜後淡。左脈浮數。右脈滑大。舌根乾黃。舌尖絳燥。風襲于表。濕傷于裏。風爲陽邪。已從火化。濕爲陰邪。亦從熱化。中焦尤有積酒積食。逐漸從氣化濁。痰阻絡道。濁蒙清竅。辛涼以洩表中之風。苦寒以洩表中之濕。通絡道以滌有形之痰。通腑氣蕩其有形之滯。

羚羊 前胡 白杏 豆豉 山梔 川連 連翹 銀花 絲瓜絡 白芥 萊菔 瓜蒌皮

又 身熱不為汗衰。伏邪也。胸前已現紅點。風疹也。邪從外解。身瘦頭痛已平。痰不內消。絡痛腹鳴。仍作酒熱傷上。肺氣清肅失司。濕鬱阻中。胃氣流通不豁。前番熱盛神昏。昨夕臥難入寐。脈左關弦數。右關滑數。舌中間乾燥。尖見絳刺。熱邪由氣入營。鼻紅是其證也。治法清氣分。藉利氣化。泄營熱以安營絡。

羚羊 鮮石斛 生地 丹皮 連翹 山梔 蘆根 銀花 茯神 白杏 橘紅絡 絲瓜絡

又 發熱七八日。有汗不為衰。肺熱不降。則血上騰。溢入清道。而為鼻紅。胃熱不降。則氣上逆。阻遏腸間。而為脘滿。肝胆之陽。為熱掀旋。肢體時為蠕動。肝胆之絡。為痰阻塞。脇肋時或掣疼。蒸騰之熱。滋蔓難除。始在氣。繼傳營。舌為絳刺。口為不渴。左脈弦數。右脈滑數。肝多最易耗液。瘰癧善於發生。治法清氣清營。藉以利腑利絡。

羚羊角 鮮石斛 細生地 丹皮 連翹 銀花 鬱金 瓜蒌皮 絲瓜絡 橘紅絡

白杏 茯苓

冬傷於寒。春必病溫。由外感引動。故首先形寒。經有一句。表邪退去而熱熾。陰液被耗。則肺胃失其滋潤。舌中光剝。唇內起糜。左脈弦細。右脈滑大。嗜酒之體。肝胆多熱。挾痰控擾清竅。致令語言錯亂。傍晚面顴紅赤。顯然陽失陰戀。設見陽動化風。便是束手無策。

鮮生地 霍石斛 蘆根 天花粉 銀花 炙草 元參 丹皮 川貝 茯神 穀芽

生竹茹瀝

熱勢雖減。減不足言。營分已被熱灼。鼻紅又見一次。昨日大便下而甚夥。今日復見小溲不行。舌質前半已有剝痕。舌質後半並不多苔。左脈弦數尙盛。右脈滑大尤劇。風溫爲燥熱之邪。燥從氣化。熱歸胃經。肺胃爲風溫必犯之地。燥熱爲銷鑠之氣。燥則傷津。熱則傷液。故涼潤爲燥熱一定之治法。肝家爲酒醱熾動。泄風潛陽。亦當注重。四五日內不興風波。或可轉安不生枝節。

鮮生地 鮮石斛 池菊 桑葉 銀花 連翹 丹皮 茅根 通草 杏仁 茯神 橘紅 絡

又 餘熱不獲潛消。營衛尚有錯亂。昨日稍有形寒。旋即復爲身熱。體無痠楚。頭有掣痛。小洩週度。僅有一行。大便二日。未見復下。汗出在先。早傷陽明之津。鼻衄在後。已傷太陰之液。胃不能食。夜能安寐。前半舌質已光。後半舌質未淨。左脈小弦而數。右脈滑弦而數。肺胃未盡之餘熱。肝胆有餘之風熱。互相蒸騰。窒碍營衛。二母散滌肺中氤氳之痰濁。一甲煎潛肝中掀旋之風陽。加生地丹皮以清營。複杏仁蕁皮以泄氣。

知母 貝母 鱉甲 生地 丹皮 茅根 杏仁 蕁皮 鮮石斛 銀花 連翹殼 桑葉

又 前經有汗。熱不爲衰。現在無汗。熱必難解。俾汗出溱溱於肌腠。或可熱勢漸涼。素喜睡而脾多濕。素好酒而肺多熱。肝胆風陽。又爲熾動。或有鼻衄。或有頭暈。每餐可進糜粥。每夜尙能安寐。病機較前可占勝籌。病前之積滯已從下奪。病後之積滯未免羈留。凡熱病中下不嫌遲。不過垢滯未去。餘邪乘機逗留。

是以潤腸通腑。亦爲目前至要。其餘仍照前法。略形加減數味。脈大轉小。舌燥轉潤。是合邪退正傷之證。

西洋參 鮮生地 鮮石斛 蘆根 竹茹 桑葉 鱉甲 連翹 銀花 丹皮 萹仁

杏仁 菊花

又 先有汗出沾衣。邪傷於表。繼有血溢鼻竅。熱傷於營。兩日來大熱速減。四日間潮熱仍作。其間尙有形寒。狀似瘧瘧之象。起於晡後。熱甚於暮。身體爲之多動。口舌爲之多燥。腕腹欠適。腹笥鳴響。寤寐多謔。神識清爽。舌質愈薄。脈象益虛。三焦決瀆失司。小洩甚短。六腑輸瀉失職。大腸尙閉。清營中之伏熱。卽以潛肝胆之陽。泄氣分之鬱火。藉以涵肺中之津。

西洋參 鮮石斛 鮮生地 丹皮 茅根 鮮竹葉 銀花 連翹殼 青蒿 知母 萹皮

鱉甲

又 大腸尙未通利。小腸又有留熱。大便猶閉。小洩仍少。鼻端自覺微冷。頭角

自覺微痛。寐安而多夢。脘痛而加餐。左脈細弦而數。右脈滑軟而數。舌見滋白。口覺淡味。大熱已去八九。餘波未獲清徹。氣津陰液。不免戕傷。木火尙有熾動。大凡熱病之後。須宜注重津液。津液日復。則餘熱日清。風不能熄。加用桑菊以潛之。腑不能通。參用括蕒以潤之。

桑葉 池菊 西洋參 鮮生地 鱉甲 丹皮 石決明 蕒仁 扁豆 穀芽 竹葉 通草  
又 病有退無進。熱有少無多。餘邪未盡。垢滯尙留。胃氣因之受困。腑陽由此窒滯。中脘不知飢飽。下脘仍有鳴响。大便未下。小溲尙赤。脈象小弦帶數。統按微有滑勢。偏頭作痛。忽發忽止。鼻端畏冷。時有時無。上焦清陽尙有錮蒙。下焦風陽猶有熾動。潛陽以利空竅。泄邪以通氣分。

西洋參 鮮生地 扁斛 石決明 池菊 桑葉 鱉甲 丹皮 枳殼 蕒仁 穀芽 橘紅

又 三日前稍涉煩勞。就加冷熱。營衛造偏。已可想見。日來頗有轉機。又得大便。病邪退舍。一定無疑。惟二十多日之久。陽津陰液受傷。夙病之肝陽因之竊

發。向患之頭痛爲之萌動。胃不加餐。寤已加寐。胃中之餘邪未盡。胃中之壯火已潛。左脈浮小。小爲病退。右脈輭大。大爲陽亢。治法調陰陽之偏勝。參用滋津液之源流。

北沙參 扁石斛 麥冬 糯稻根鬚 池菊 桑葉 生鱉甲 白芍 石決明 丹參

丹皮 茯神

又 病愈退。正愈虛。形容爲之瘦怯。肌膚爲之少華。陰益虛。陽益亢。左脈爲之沉細。右脈爲之數大。陽勝之頭痛忽有忽無。陰虛之身熱時輕時作。肺家素受酒傷。常有鼻紅。胃家又多蘊熱。時有口穢。先擬煎劑育陰潛陽。接服膏滋益氣生血。

吉林鬚 鱉甲 牡蠣 首烏 池菊 廣皮 麥冬 龜版 白芍 丹皮 桑葉 茯苓  
茯苓

熟地 生地 麥冬 阿膠 丹參 白芍 杞子 首烏 池菊 桑葉 山茶花 女貞

丹皮 牡蠣 鱉甲 龜版煎膏

伏邪晚發。氣道深遠。固不能從少陽化瘧。又不能出。無從宣泄。流連氣分。則氣分漸從火化。迫入營分。起病一兩日。就見風陽動。現在八九朝。尤見津液耗。熱始終未退。汗定動皆洩。有時昏糊欲睡。有時語言錯誤。前二日小溲頻數。近一日大便壅阻。口大渴而引飲。舌大燥而垢膩。胃不思食。氣有噦聲。左脈弦溷而數。右脈數滑而大。太陽明燥火已熾。厥陰風陽又動。有限之津液。日形竭蹶。無窮之熱邪。日形猖蹶。甘涼固爲第一要務。辛涼泄氣。尤爲目前之急。惟下竅不通。恐上竅愈塞。稍加攻蕩積滯。以冀源清流潔。

犀牛角 羚羊角 鮮生地 元參 桑葉 池菊 丹皮 石決明 茯苓 橘紅 風化硝  
萋皮

又 潮熱一日輕一日重。病邪半在氣半在陰。經大汗則氣從此外耗。爲大熱則陰由此內耗。所伏之邪。傷氣化火。所蓄之滯。積陰化氣。火炎於上。則肺氣失



其清肅燥結於下。則腸腑失其灌溉。上流不行。下竅不通。中焦胃腑獨受其實。津液升降。愈艱敷佈。噯氣不爽。更衣不通。舌質灰膩較退。舌邊燥絳尤勝。左脈小弦而數。右脈虛大而滑。寐中尙有肢掣。風陽未必潛降。擬用清泄氣營。以冀保津存液。

羚羊 西洋參 鮮生地 鮮石斛 元參 安宮牛黃丸 知母 池菊 桑葉 丹皮

青蒿子 萋仁 風化硝

又 昨夜又有潮熱。今夜猶未退盡。舌邊絳。舌中灰。捫之無澤。左脈小。右脈數。按之無神。正氣已見不足。邪氣仍形有餘。上焦蒸騰之熱。灼傷其津。下腕蘊蓄之滯。熾耗其液。上焦津乾屬氣。下焦液燥屬血。氣分憤鬱。噯爲不爽。血分耗奪。便爲不通。肝家風陽爲熱煽動。胃家清陽爲邪蒙擾。指有抽掣。語有錯亂。凡熱症以津液爲材料。仿甘涼保津液爲扼要。俾津液復得一分。則邪熱退得一分。

羚羊角 西洋參 桑葉 鮮石斛 鮮生地 元參 麥冬 知母 丹皮 石決明 池菊